

PWYLLGOR SGRIWTINI CORFFORAETHOL

Cofnodion y cyfarfod a gynhaliwyd ar 1 Chwefror 2016

- YN BRESENNOL:** Y Cynghorydd R Meirion Jones (Cadeirydd)
Y Cynghorydd G O Jones (Is-gadeirydd)
- Y Cynghorwyr Jim Evans, Ann Griffith, Llinos Medi Huws,
Victor Hughes, Dylan Rees, Peter S Rogers
- Aelod Cyfetholedig:-**
- Keith Roberts (Yr Eglwys Babyddol)
- WRTH LAW:** Y Prif Weithredwr
Prif Weithredwr Cynorthwyol (AM)
Pennaeth Swyddogaeth (Adnoddau)
Pennaeth Gwasanaethau Oedolion
Pennaeth Dysgu
Pennaeth Gwasanaethau Democraidaidd
Rheolwr Sgriwtini (BS)
Rheolwr Sgriwtini Dros Dro (AGD)
Rheolwr Gwasanaethau Cyfrifeg (BHO)
Rheolwr y Rhaglen Gorfforaethol (GM)
Uwch Reolwr Safonau Ysgolion (BMJ)
Rheolwr Gwasanaeth (Anawsterau Dysgu ac Iechyd Meddwl)
(BW)
Swyddog Pwyllgor (SC)
- YMDDIHEURIADAU:** Y Cynghorwyr Lewis Davies, Robert Llewelyn Jones
Y Canon Robert Townsend (Yr Eglwys yng Nghymru)
- HEFYD YN BRESENNOL:** Y Cynghorwyr H Eifion Jones (Aelod Portffolio Cyllid),
Kenneth P Hughes (Aelod Portffolio Addysg),
Derlwyn Hughes, John Griffith, Alun Mummery (Pwyllgor
Sgriwtini Partneriaeth ac Adfywio)
Prif Swyddog, Medrwn Môn

1 DATGANIAD O DDIDDORDEB

Ni dderbyniwyd unrhyw ddatganiadau o ddiddordeb.

2 CYHOEDDIADAU'R CADEIRYDD A'R IS-GADEIRYDD

Dywedodd y Cynghorydd Ann Griffith wrth y Pwyllgor nad oedd hi wedi mynychu cyfarfod diwethaf y Panel Rhiant Corfforaethol ond y byddai'n rhoi adborth o'r cyfarfod nesaf.

Dywedodd y Cynghorydd Llinos Medi Huws ei bod wedi mynychu cyfarfodydd y Bwrdd Trawsnewid Gwasanaethau Plant – un i sefydlu'r Bwrdd a'r llall i edrych ar y rhaglenni gwaith. Cyfeiriodd hefyd at y Byrddau Trawsnewid ar gyfer Gwasanaethau Llyfrgell, Ieuenctid a Diwylliant a nodwyd bod Gwasanaethau Llyfrgelloedd yn cael sylw ar y rhaglen heddiw; roedd Gwasanaethau Ieuenctid ar raglen y Pwyllgor Sgrïwtini Partneriaeth ac Adfywio ar 2 Chwefror; nid oedd dyddiad wedi'i bennu ar gyfer rhoi sylw i Wasanaethau Diwylliant. Dywedodd y Cynghorydd Huws ymhellach nad oedd y Bwrdd Trawsnewid Addysg wedi cyfarfod yn ddiweddar.

Adroddodd y Cadeirydd fod y Grŵp Llywio'r Gyllideb wedi cyfarfod i baratoi ar gyfer y cyfarfod heddiw a nododd ei fod wedi mynychu'r Pwyllgor Gwaith ym mis Rhagfyr i gyflwyno adroddiad y Pwyllgor ar Gael Gwared ar Asedau.

Cyfeiriodd y Cynghorydd Ann Griffith at y Gwasanaeth Plant a gofynnodd am eglurhad ynghylch a fyddai'n destun sgrïwtini gan y Pwyllgor hwn.

Cadarnhaodd y Prif Weithredwr fod Cynllun Gweithredu'n cael ei lunio ac y byddai'n cael ei gyflwyno i'r Pwyllgor.

3 COFNODION CYFARFOD 1 RHAGFYR, 2015

Cyflwynwyd cofnodion cyfarfod diwethaf y Pwyllgor Sgrïwtini Corfforaethol a gynhaliwyd ar 1 Rhagfyr, 2015 a chadarnhawyd eu bod yn gywir.

Materion yn codi:-

Eitem 5 – Monitro Perfformiad: Rheoli Pobl

Dywedodd y Cadeirydd y bydd adroddiad ar absenoldeb salwch yn cael ei gyflwyno i'r Pwyllgor Sgrïwtini ym mis Medi.

Eitem 7 – Y Gyllideb: Cyllideb Gyfalaf Chwarter 2, 2015/16

Cyfeiriodd y Cadeirydd at yr ail bwynt ar dudalen 5, sef bod y gwariant mewn perthynas â Datblygu Economaidd yn 102%. Cadarnhaodd y Pennaeth Adnoddau y byddai'n ceisio eglurhad manwl gan y Pennaeth Adfywio Economaidd a Chymunedol ac yn adrodd yn ôl i'r Pwyllgor maes o law.

Eitem 9 – Gwerthusiad Blynyddol AGGCC o Berfformiad y Gwasanaethau Cymdeithasol 2014/15

Cyfeiriodd y Cadeirydd hefyd at y trydydd pwynt yn y penderfyniad ar dudalen 6. Dywedodd y byddai adborth o ran y cynnydd a wnaed ar faterion blaenoriaeth a nodwyd gan AGGCC ar gael i'r Pwyllgor hwn yn chwarterol ac yn debygol o gael ei gyflwyno i'r cyfarfod nesaf.

Cadarnhaodd y Prif Weithredwr y bydd y Cynllun Gweithredu yn mynd i'r afael â materion sy'n codi. Awgrymodd y Cadeirydd y dylid cyflwyno datganiad ar y sefyllfa i'r cyfarfod nesaf.

GWEITHREDU:

Cyflwyno datganiad ar y sefyllfa mewn perthynas â'r Gwasanaethau Plant i'r Pwyllgor Sgriwtini Corfforaethol, gan gynnwys adborth ar faterion a nodwyd gan AGGCC.

4 GOSOD CYLLIDEB 2016/17: REFENIW A CHYFALAF

Cyflwynwyd – adroddiad y Rheolwr Sgriwtini Dros Dro ar y broses ddiwygiedig ar gyfer pennu'r gyllideb a weithredwyd i baratoi ar gyfer cyllideb 2016/17.

Dywedodd y Rheolwr Sgriwtini Dro fod y Pwyllgor hwn eisoes wedi ystyried y cynigion cychwynol ar gyfer y cyllidebau Refeniw a Chyfalaf ac wedi sgrwttineiddio'r wybodaeth a gyflwynwyd gan y Penaethiaid Gwasanaeth ym mis Tachwedd 2015.

Roedd yr adroddiad dan ystyriaeth yn y cyfarfod hwn yn gyfle i'r Pwyllgor lunio argymhellion i'r Pwyllgor Gwaith. Roedd yr adroddiad hefyd yn cynnwys dadansoddiad pellach gan y Pennaeth Swyddogaeth (Adnoddau) / Swyddog Adran 151 o'r cyllidebau refeniw a chyfalaf arfaethedig ar gyfer 2016/17, a oedd hefyd cynnwys datganiad ar y sefyllfa yn y meysydd canlynol: -

- i. Cynigion cychwynol y Pwyllgor Gwaith ar gyfer y gyllideb
- ii. Setliad dros dro i Lywodraeth Leol
- iii. Sefyllfa ddiwygiedig cyllideb 2016/17
- iv. Dreth Gyngor
- v. Cronfeydd wrth gefn
- vi. Cyllidebau ysgolion

Yn ogystal, roedd yr adroddiad yn crynhoi negeseuon allweddol o'r ymgynghoriad cyhoeddus a gynhaliwyd yn ddiweddar, a gwybodaeth a gyflwynwyd gan Reolwr y Rhaglen Gorfforaethol.

Yn ystod y drafodaeth tynnwyd sylw at y pwyntiau canlynol fel meysydd y gofynnwyd i'r swyddogion roi eglurhad arnynt.

- Defnydd o gronfeydd wrth gefn, pwysau ar y gyllideb a lefelau gwarchodaeth i'r dyfodol.
- Lefel yr arbedion i'w gwireddu fel rhan o'r Cynllun Ariannol Tymor Canol ac adolygu'r Cynllun yn y dyfodol, gan gymryd i gyfrif lefelau'r Dreth Gyngor yn y tymor canol.
- Arbedion a ganfuwyd hyd yn hyn a'r heriau sy'n wynebu'r Cyngor o ran cyflawni targedau arbedion yn y dyfodol, sy'n debygol o fod yn fwy sylweddol yn y blynyddoedd i ddod.

- Lefel y cronfeydd wrth gefn o fewn cyllidebau Addysg, a chyfeiriad at ysgolion mewn diffyg ariannol. Nododd y Pennaeth Swyddogaeth (Adnoddau) y byddai angen ailystyried y fformiwla gyfredol.
- Gofynnwyd am eglurhad ar y gweithdrefnau ar gyfer delio â gwargedau yng nghyllidebau ysgolion. Yn ogystal, gofynnodd yr Aelodau am eglurhad ar y balansau ysgol yn gyffredinol. Cadarnhaodd y Pennaeth Dysgu fod balansau yn y Sector Cynradd dros 7% ar gyfartaledd, a 3% yn y Sector Uwchradd. Wrth symud ymlaen, bydd angen edrych ar y pwysoliad rhwng y ddau Sector.
- Effaith toriadau yng nghyllidebau ysgolion ar Gyd-Bwyllgor Anghenion Addysgol Arbennig Ynys Môn a Gwynedd. Cadarnhaodd y Pennaeth Dysgu na fyddai unrhyw doriadau eleni.
- Pwysau ar wasanaethau a arweinir gan y galw a chyllid i fynd i'r afael â risgiau allweddol.
- Gofynnwyd am eglurhad ar y Grant Amddifadedd a'r effaith ar y Gwasanaethau Plant.
- Toriadau yn y Dyfodol i grantiau ysgol a'r goblygiadau i'r Awdurdod.
- Lefel y warchodaeth a roddir i gyllidebau ysgolion.

Canolbwyntiwyd wedyn ar nifer o gwestiynau allweddol a oedd yn sail i drafodaethau'r Pwyllgor a'i sylwadau / argymhellion o dan bob pennawd i'w hanfon ymlaen i'r Pwyllgor Gwaith:-

i. A ddylid sicrhau cymaint ag sy'n bosibl o'r arbedion a nodwyd fel rhai y gellir eu cyflawni yn 2016/17 gan gadw mewn cof y bydd sicrhau'r arbedion mwyaf posibl yn caniatáu mwy o hyblygrwydd i'r Cyngor ymateb i bwysau ar wasanaethau a gofynion o ran arbedion yn y dyfodol?

Argymhelliad / Sylwadau

Argymell gwneud cymaint â phosibl o'r arbedion a nodwyd fel rhai y gellir eu cyflawni yn 2016/17 er mwyn caniatáu mwy o hyblygrwydd i'r Cyngor ymateb i bwysau ar wasanaethau a gofynion am arbedion yn y dyfodol.

ii. A yw'r Pwyllgor yn cefnogi argymhelliad i'w ystyried gan y Pwyllgor Gwaith, bod swm yn cael ei ddyrannu o'r cronfeydd wrth gefn cyffredinol i ariannu newidiadau a gynlluniwyd mewn prosesau busnes er mwyn rhyddau rhagor o arbedion effeithlonrwydd y gellir eu defnyddio i ymateb i wella gwasanaethau neu i gwrdd â'r pwysau arnynt?

Argymhelliad / Sylwadau

Argymell bod swm yn cael ei ddyrannu o'r cronfeydd wrth gefn cyffredinol i ariannu'r newidiadau yn y prosesau busnes a nodwyd uchod.

iii. Ar ba lefel y dylid gosod y Dreth Gyngor yn y dyfodol gan gadw mewn cof y materion a godwyd gan y Pennaeth Adnoddau yn ei adroddiad, y cyfraniad y mae'r Dreth Gyngor yn ei wneud i refferiw cyffredinol y Cyngor a'r pwysau ariannol y mae'r Cyngor yn debygol o'u hwynebu o 2017/18 ymlaen?

Argymhelliad / Sylwadau

Argymell cynnydd yn y Dreth Gyngor na fydd yn uwch na 3.5% tra'n cydnabod argaeledd cronfeydd wrth gefn y Cyngor a'r angen i fuddsoddi

mewn gwasanaethau er mwyn cynnal safonau gwasanaeth.

iv. Ar ba lefel o warchodaeth y dylid ei rhoi i gyllidebau ysgolion gan gadw mewn cof yr angen i ysgolion gyfrannu at yr arbedion cyffredinol sydd eu hangen ar y Cyngor?

Argymhelliad / Sylwadau

Argymell bod lefel o ddiogelwch yn cael ei roi i gyllidebau ysgolion fel rhan o'r strategaeth ariannol ar gyfer y tymor canol.

v. Os bydd y Pwyllgor Gwaith yn gwneud penderfyniad terfynol i weithredu arbedion effeithlonrwydd i gyllidebau ysgol, gofynnir i'r Pwyllgor wneud sylwadau ynghylch a ddylai lefelau'r cronfeydd wrth gefn yn y sector cynradd ddylanwadu ar y penderfyniad ynghylch sut bydd yr arbedion yn cael eu dyrannu ar draws y sectorau.

Argymhelliad / Sylwadau

Mewn perthynas â chyllidebau ysgolion yn gyffredinol, argymell bod yna sgôp o fewn y sector cynradd i gyflawni arbedion yn y dyfodol pe bai'r Pwyllgor Gwaith yn gofyn am arbedion effeithlonrwydd yn y dyfodol.

vi. Oes gan y Pwyllgor Sgriwtini unrhyw sylwadau pellach ynghylch y gyllideb gyfalaf arfaethedig?

Argymhelliad / Sylwadau

Nid oedd gan y Pwyllgor farn ar y mater hwn.

vii. Sut mae'r cynigion ar gyfer cyllideb 2016/17 yn galluogi'r Pwyllgor Gwaith i gyflawni'r Cynllun Corfforaethol a'r rhaglen drawsnewid? A oes unrhyw risgiau penodol?

Argymhelliad / Sylwadau

Argymell bod balansau yn cael eu defnyddio i liniaru risgiau allweddol yn y rhaglen Cynllun Corfforaethol a Thrawsnewid.

viii. Sut mae'r cynigion i arbed yn cael eu hatgyfnerthu gan egwyddorion Strategaeth Effeithlonrwydd y Cyngor?

Argymhelliad / Sylwadau

Nid oedd gan y Pwyllgor farn ar y mater hwn.

Yr Ymgynghoriad Cyhoeddus

Mewn perthynas â negeseuon allweddol o'r ymarferiad ymgynghori cyhoeddus a gynhaliwyd, PENDERFYNWYD argymell i'r Pwyllgor Gwaith y dylid derbyn yr adroddiad.

5 PANEL CANLYNIAD SGRIWTINI: ARBEDION EFFEITHLONRWYDD 2015/16

Cyflwynwyd i'w gymeradwyo gan y Pwyllgor, adroddiad terfynol y Panel Canlyniad Sgriwtini a oedd yn archwilio ymhellach i'r cynnydd a wnaed gan yr Awdurdod o ran cyflawni ei arbedion effeithlonrwydd ar gyfer 2015/16.

Dywedodd y Rheolwr Sgriwtini Dros Dro fod y Pwyllgor Gwaith, yn ei gyfarfod ar 20 Ebrill, 2015, wrth roddi sylw i Adroddiad Terfynol y Panel Canlyniad Sgriwtini: Arbedion Effeithlonrwydd (2014/15) wedi penderfynu y dylai panel o Aelodau Sgriwtini barhau i fonitro'r arbedion a gynigiwyd gan wasanaethau yn y flwyddyn ariannol hon trwy fonitro cyllideb 2015/16 yn chwarterol.

PENDERFYNWYD:

- 1. Cymeradwyo Adroddiad Terfynol y Panel Canlyniad Sgriwtini gyda'i 5 o brif gasgliadau a'i 7 argymhelliad unigol;**
- 2. Bod yr Adroddiad Terfynol yn cael ei gyflwyno i'w gymeradwyo gan y Pwyllgor Gwaith yn ei gyfarfod ar 8 Chwefror, 2016.**

6 GWASANAETH IECHYD MEDDWL CYMUNEDOL

Cyflwynwyd - datganiad ar y sefyllfa gan y Rheolwr Gwasanaeth (Anawsterau Dysgu ac Iechyd Meddwl) ynghylch sut mae'r Gwasanaeth Iechyd Meddwl Cymunedol yn edrych heddiw yn Ynys Môn, a sut mae'n gweithio ar y cyd â'r Gwasanaeth Iechyd ac yn cael ei ddarparu yn y gymuned gan dîm amlddisgyblaethol. Mae'r Gwasanaeth yn gweithio'n benodol o dan Fesur Iechyd Meddwl 2012, sy'n gosod y fframwaith ar sut i gael mynediad at y Gwasanaeth.

Pwyntiau a godwyd gan yr Aelodau:-

- Gwasanaethau aciwt yn Ysbyty Gwynedd;
- Chwythu'r chwiban a chwynion;
- Barn gadarnhaol am Ward Hergest;
- Y broses ar gyfer penodi gweithwyr Cymorth Cymunedol;
- Fel rhan o arbedion y flwyddyn nesaf, beth fydd effaith y 43k sydd wedi cael ei gynnig ar gyfer ailstrwythuro trefniadau rheoli yn y Gwasanaeth Cymorth Iechyd Cymunedol?

PENDERFYNWYD:-

- **Bod y Pwyllgor Sgriwtini Corfforaethol yn derbyn y datganiad ar y sefyllfa mewn perthynas â'r Gwasanaeth Iechyd Cymunedol;**
- **Bod y Pwyllgor a swyddog perthnasol yn adolygu'r sefyllfa mewn perthynas â'r gwasanaeth hwn ymhen 6 mis;**
- **Bod y Pwyllgor Sgriwtini'n cymeradwyo'r datblygiadau a gynlluniwyd i'r gwasanaeth hwn.**

7 SICRHAU GWASANAETHAU CYNALIADWY AC EFFEITHLON AR GYFER Y DYFODOL: TRAWSFFURFIO LLYFRGELLOEDD

Cyflwynwyd – adroddiad y Pennaeth Dysgu yn adolygu'r ffordd y mae gwasanaethau llyfrgell yn cael eu darparu.

Dywedodd yr Aelod Portffolio Addysg fod y rhaglen genedlaethol a heriau ariannol yn golygu bod angen i'r Cyngor adolygu'r ffordd y mae'n darparu gwasanaethau, sy'n cynnwys y gwasanaeth llyfrgelloedd yn gorfod gwneud arbedion o rhwng 20% a 60%. Dywedodd fod y Pwyllgor Gwaith wedi caniatáu i'r Gwasanaeth Llyfrgell gynnal adolygiad o fodelau darparu.

Adroddodd y Pennaeth Dysgu fod ymgynghoriad wedi'i gynnal ym mis Hydref a mis Tachwedd y llynedd. Cynhaliwyd yr ymgynghoriad hwnnw drwy arolwg ar-lein ac wyneb yn wyneb. Mae'r ymateb i'r ymgynghoriad wedi bod yn arbennig o dda, gyda bron 1500 o drigolion yn cwblhau'r holiadur a llawer o ddiddordeb wedi cael ei ddangos yn y maes. Roedd grwpiau o bobl nad ydynt yn ddefnyddwyr llyfrgell nodweddiadol wedi cymryd rhan. Roedd angen cynnal yr ymgynghoriad i chwilio am ffyrdd i wneud arbedion yn y gwasanaeth, a rhoddodd gyfle i edrych ar y ffyrdd gorau o ddarparu'r gwasanaeth yn y dyfodol.

Nododd y Pennaeth Dysgu fod gan y Cyngor well syniad o'r mathau o fodelau y gall eu cynnig yn dilyn cyhoeddi canlyniadau'r ymgynghoriad. Cyfeiriodd at yr opsiwn o lyfrgelloedd cymunedol. Mae'r cyhoedd yn awyddus i weld mwy o wasanaethau cyffredinol y Cyngor mewn llyfrgelloedd, yn enwedig modelau sy'n golygu defnyddio gwirfoddolwyr dan arweiniad gweithwyr proffesiynol, i gwrdd â safonau cenedlaethol.

(Gwnaed datganiadau o ddiddordeb yn yr eitem hon gan y Cynghorwyr R Meirion Jones a Llinos M Huws, gan eu bod wedi bod yn cymryd rhan yn y gwaith sydd wedi esblygu o fewn y Gwasanaeth).

Cododd yr aelodau'r materion canlynol yn ystod y drafodaeth:-

- Gwirfoddolwyr yn darparu gwasanaethau;
- Gwneud defnydd o adeiladau cymunedol;
- Mae cefnogaeth fawr i'r llyfrgelloedd yn y gymuned, mae'n golygu mwy na llyfrau a chyfrifiaduron;
- Mae pobl o'r gymuned leol yn barod i weithio gyda chymorth gan weithwyr proffesiynol, ac yn unol â gofynion y Ddeddf;
- Mae trigolion oedrannus yn defnyddio llyfrgelloedd ar gyfer gweithgareddau eraill megis cinio.

Dywedodd yr Aelodau fod staff o fewn y Gwasanaeth yn gadarnhaol iawn ac yn ymroddedig i'r broses ailfodelu ac fe'u canmolwyd am eu gwaith. Teimlwyd nad oedd y toriad o 60% yn gyraeddadwy a byddai'n anodd cwrdd â safonau cenedlaethol.

PENDERFYNWYD:-

- a) **Bod yr Ymgynghoriad a gynhaliwyd gan y Gwasanaeth Llyfrgell yn glodwiw a dylid ystyried mabwysiadu ei fethodoleg yn gyfan gwbl ar gyfer yr holl ymgynghoriadau o'r fath yn y dyfodol;**
- b) **Ar ôl ystyried canlyniadau'r Ymgynghoriad, teimlai'r Pwyllgor fod arbedion o 60% yn afrealistig ac nid oedd yn eu croesawu. Cefnogwyd y farn honno gan sylwadau'r Pennaeth Gwasanaethau "y byddai 60% yn ei gwneud yn eithriadol o anodd i gwrdd â'r Safonau Llyfrgell Cenedlaethol statudol." Fodd bynnag, mae'r Pwyllgor Sgriwitini'n cefnogi y dylai'r Gwasanaeth barhau i archwilio a chostio'r modelau posib yn y dyfodol yng nghyd-destun canlyniadau'r ymgynghoriad hwn, fel yr amlinellwyd yn yr adolygiad o'r gwasanaeth llyfrgell.**
- c) **Cefnogaeth i'r cysyniad o lyfrgelloedd sy'n cynnig mwy o wasanaethau o'u hadeiladau cyfredol. Maent yn sylweddoli na fyddai hyn yn debygol o gyflawni arbedion i'r gwasanaeth llyfrgell, ond roedd yn derbyn bod potensial i wneud arbedion corfforaethol yn rhywle arall mewn cydweithrediad â rhaglenni trawsnewid eraill.**
- ch) **Cefnogi'r cynigion i ddechrau costio modelau llyfrgell o'r fath.**

Gweithredu: Rheolwr Sgriwitini i lunio ymateb i'r Pwyllgor Gwaith.

8 ADRODDIAD BLYNYDDOL AR BERFFORMIAD YSGOLION MÔN

Cyflwynwyd – adroddiad y Pennaeth Dysgu yn dadansoddi canlyniadau yn ysgolion Môn ar ddiwedd blwyddyn academiaidd 2014/15.

Roedd yr adroddiad yn cyfeirio'n benodol at fframwaith Estyn ar gyfer arolygu awdurdodau a'r disgwyl i'r agweddau allweddol a ganlyn fod yn destun sgriwitini fel rhan o'r broses hunanwerthuso:-

- Sut mae'r Awdurdod yn perfformio'n erbyn y meincnodau a osodir gan Lywodraeth Cymru ar gyfer CA3 a CA4?
- Sut mae perfformiad yr Awdurdod yn cymharu gyda gweddill yr Awdurdodau yng Nghymru?
- A yw perfformiad yn y pynciau craidd yn debyg?
- Ym mha gyfnod allweddol y mae'r perfformiad ar ei orau? Ym mha agweddau y mae angen gwneud gwelliannau?
- Beth yw dosbarthiad ysgolion ar draws chwarteli cinio am ddim? A yw'r dosbarthiad hwn yn well ynteu'n waeth na'r patrwm cenedlaethol?
- Oes ysgolion yr ymddengys eu bod yn tanberfformio?

Cyflwynwyd gwybodaeth am gategoreiddio a bandiau ysgolion fel a ganlyn:-

4 ysgol yn y band gwyrdd - 3 gynradd ac 1 uwchradd;
29 ysgol yn y band melyn; 13 yn y band ambr; rhai yn y band coch.
13 o ysgolion yn y band ambr eleni, o gymharu â 18 y llynedd – roedd hyn yn siomedig iawn, ond mae cynnydd yn cael ei wneud.

Mewn perthynas â sefyllfa gyffredinol yr Awdurdod ar gyfer 2014/15, mae'r Cyngor yn safle 11 allan o 22 ac nid yw hynny wedi newid ers nifer o flynyddoedd.

Cododd y Pwyllgor y materion canlynol:-

- Gofynnodd yr Aelodau am eglurhad ar y trefniadau ar gyfer addysgu plant yn y cartref a holwyd a yw'r Awdurdod yn ymweld â chartrefi. Ymatebodd y Pennaeth Dysgu ei fod yn ofyniad statudol bod un ymweliad yn cael ei wneud gan Swyddog Addysg i sicrhau bod y ddarpariaeth yn ddigonol.
- Codwyd cwestiwn ar argaeledd prydau ysgol am ddim. Adroddodd y Pennaeth Dysgu bod prydau ysgol am ddim yn cael eu defnyddio fel dangosydd ar gyfer amddifadedd. Os yw teulu'n dod o fewn y categori prydau ysgol am ddim, mae data hanesyddol yn dangos nad ydynt yn perfformio cystal ac nad oes ganddynt, yn aml, gefnogaeth gartref. Mae cyflawni'n fwy o her i blant sy'n derbyn prydau ysgol am ddim ac mae rhai plant yn syrthio drwy'r rhwyd.
- Cyfeiriwyd at banel arbennig i blant sy'n derbyn gofal. Awgrymwyd bod y Cyngor yn gofyn am ddatdrosiad o berfformiad y plant hyn, fel y gellir gwneud cymariaethau ar draws Cymru.
- Holodd y Pwyllgor a oedd cydweithio effeithiol ar Ynys Môn rhwng y sectorau cynradd ac uwchradd. Ymatebodd y Pennaeth Dysgu bod rhaid mynd i'r afael â'r materion a nodwyd ar frys. Mae cydweithredu ysgol-i-ysgol yn cynnwys ysgolion cynradd ac uwchradd.
 - Trafododd y Pwyllgor yr heriau sy'n wynebu'r Awdurdod mewn perthynas ag ysgolion yn y categori ambr, ac awgrymwyd na ddylid eu caniatáu i fynd i'r categori coch. Dywedodd y Pennaeth Dysgu bod heriau enfawr i'r ysgolion, ond bod y sefyllfa wedi gwella.
 - Nodwyd bod Llywodraethwyr Ysgolion ac uwch reolwyr yn ymweld ag ysgolion i holi sut maent yn gweithredu. Dywedodd y Pennaeth Dysgu bod modd gwneud cynnydd trwy fewnbwn gan GwE a'r Awdurdod Addysg, a'r ffordd orau i ysgolion i symud ymlaen yw trwy i Aelodau, Llywodraethwyr Ysgolion, rheolwyr, athrawon, swyddogion a rhieni weithio gyda'i gilydd.

PENDERFYNWYD derbyn yr adroddiad.

9 BLAEN RHAGLEN WAITH

Cyflwynwyd – adroddiad y Rheolwr Sgrwtini Dros Dro ar Flaenraglen Waith y Pwyllgor i fis Mai, 2016.

PENDERFYNWYD nodi'r Flaenraglen Waith hyd at fis Mai, 2016.

10 DATGANIAD SEFYLLFA : PANELAU CANLYNIAD SGRIWTINI

Cyflwynwyd i'r Pwyllgor ddatganiad ar y sefyllfa mewn perthynas â'r Panelau Canlyniad Sgrwtini er gwybodaeth.

PENDERFYNWYD nodi'r datganiad ar y sefyllfa.

**Y CYNGHORYDD R MEIRION JONES
CADEIRYDD**